

**ՎԻԼՍՈՆԻ «ԺԱՆՏԱԽՏԻ ՔԱՂԱՔԸ»
ՈՂԲԵՐԳՈՒԹՅՈՒՆՆԻՅ**

Կար ժամանակ, որ ծաղկում էր
Մեր աշխարհքը անխըռով,
Աստժո տաճարն որոտում էր,
Թընդում էր տոն օրերով:

5 Աղմըկալի մեր դպրոցում
Երգում մանկունք մեր մատաղ,
Շողում էին լիքը հանդում
Սուր գերանդին ու մանգաղ:

Այժմ թափուր եկեղեցին,
10 Դպրոցը փակ, խըլացած,
Արտը կը ծղած հանդի միջին,
Թավ պուրակը դատարկված.
Ու գյուղն էրված մի տան նըման
Կանգնած ավեր, ամայի,

15 Ո՛ղջ պապանձված, լուռ չի միայն
Դամբարանը ահռելի:

Մեռե՛լ, մեռե՛լ ամեն վայրկյան,
Ու ապրողներն Աստըծուն
Աղոթում են միաբերան

20 Նըրանց հոգուն փըրկություն:
Մեռե՛լ, մեռե՛լ ամեն վայրկյան,
Ու շիրիմներն իրար քով
Սարսափահար հոտի նման
Սեղմըվում են խիտ շարքով:

25 Գարուն կյանքիս եթե նույնպես
Վիճակված է վաղ շիրիմ,
Ով դո՛ւ, ում որ սիրել եմ ես,
Հոգուս անզույգ մըտերիմ,
Չըմոտենաս իմ շրթունքին

30 Քո համբույրով կենսածիր,
Չըմոտենաս իմ դիակին,
Հեռվից հեռու հետևիր...

Ապա ձրգիր դու մեր գյուղը,
Փախիր այլուր, հեռացիր,

35 Հոգուդ տանջանքն ու երկյուղը
Վանիր էստեղ ու կացիր:
Ու երբ կանցնեն էս օրերը,
Այց եկ շիրմիս գեթ մի հեղ,
Իսկ ես ոչ քեզ, ոչ քո սերը
Չեմ մոռանա և էստեղ...